

明

史

明史卷一百二十二

列傳 十三

朱鑑

羅亨信

張惠

馬謹

李儀

張固 馬恭

李金

羅綺

王宇

朱鑑字用湖壽壯人童時父疾剝股以進舉鄉試授
蒲圻縣諭宣德初擢御史巡按湖廣時勦梅花洞賊
蕭啟寧等衆無功鑑諭降之請復舊制命副使僉事
按行所部問民疾苦月用俗男女婚嫁多後時年踰
三十尚無室家鑑申明禮志旬月間嫁娶者萬餘人
軍有遺棄政聲流聞留三載始代歸正統初復按廣

東平命錄因多所平反招撫逋叛甚衆還朝請天下
按察司僉事一人專理屯田遂為定制用荐擢山西
左叅政鑑居官廉平無不善斷吏民畏愛居數年進
右布政使景帝監國就擢右副都御史巡撫其地鑑
上言車駕北轅古今異變奸邪竊弄遂至於斯今也
先奸覲百端殺掠已數十萬往倂和親往來現伺蓋
以送駕為由則必開關延接稍示抗拒彼即有辭其
謀既深我慮宜遠夫和親不已必索歲幣歲幣不已
必求割地要請無厭長此安窮為今之計宜慎簡將
帥重其事權監軍中官悉行停罷重討敢之兵廣

募智勇嚴法整奸邪之私積發庫庾之陳繼聽賞
 格勸義旅徵勦逆之兵數道並進戮力獲麟無失
 駕可通敵與自遇如欲送駕結好安知虛實實未可
 善虛益寡防勿謂寇不足憂勿謂和議可信苟偷安
 於一時必臨降於他日竊見主根濁亂天下震驚神
 器江衡冠於世以誅振為名夫事歸朝廷則治歸官
 官則亂自始喪位失國多由於此昔高皇帝與群臣
 議事必屏去左右以弭弔機乞念祖宗開創之勞舉
 任日委寄之責開直諫之路杜權倖之門凡軍國重
 事委任大臣必當有齊苟仍倚中官俾竊國柄外寇

下至內塞必生欲以雪耻復仇未見其可帝嘉納之
時寇日窺塞下人心震驚繼築城浚隄練兵市馬為
守禦計景泰元年三月萬騎攻雁門都指揮李端擊
却之寇後侵閩南端力拒寇不得還尋以數十騎犯
河曲殺掠人畜殆盡又犯義井堡盡殺守卒及指揮
二人其攻圍斬代諸州者衆至五六萬武清侯石亨
等不能禦遂長驅南掠直抵太原山西大震於是命
繼移鎮雁門而別遣署都督僉事王良鎮太原既而
援兵漸集寇亦飽掠既厭乃引去三年詔遣大臣行
天下點驗有司待却郵幹盜山西多劫繼當州

縣民多遭國課有司不免鞭朴自幹至民嘗受罰者日事抨折政長吏喪氣不敢催課請召幹還幹因極論錫綬獲帝是幹言召鑑佐院事未幾致仕歸景帝易儲鑑貽大學士陳循書言其不可且曰陛下於上皇當避位繼金火義奈何反為幽閑循省覽驚駭英宗獲位鑑詣闕上表賀覲復用帝曰鑑既老疾致任何乃棄去其速令還家居二十餘年卒

羅亨信字用實東莞人永樂二年進士改庶吉士授工科給事中遷視浙江水災奏蠲嘉興海鹽崇德三縣稅凡五十餘萬石進吏科右給事中坐累謫交趾

為吏居九年仁宗嗣位用洗馬張瑛薦召為御史叢
通州倉儲舉按畿內清軍山西皆有聲有為其才堪
方面者命食按察司公事俸待遷英宗立超權右僉
都御史練兵平涼西寧諸處時武將私運人輒乘驛
或貿鹽擅起率牛致驛遞煩費舊制以官茶易西番
馬私鬻者有禁後許商運茶甘州西寧償以淮浙鹽
由是私茶盛行官課大墜邊衛軍餘所墾田舊不賦
納至是悉計畝而輸邊軍咸怨亨信以為言帝悉嘉
納正統二年阿台朵而只恒擾邊命偕都督蔣貴等
率師往討貴等至捕魚海逗留不進亨信諫之曰公

等受國屬恩敢臨敵退爾耶且公等皆畏死毋死法
孰與死嚴責等色變竟以易餉不繼為辭引還亨信
以副將治其罪帝以章示尚書王驥并下責等責威
愧明年進兵遂大破之亨信以參贊功進秩一等先
是遭父喪奪情視事至是始令歸葬葬畢還朝改命
巡撫雲南大同奉詔汰諸衛冗官老弱罷退者四百
八十餘人軍衛以清泰將石亨請開大同四州七縣
民丁三之一為軍亨信奏止之進右副都御史巡撫
如故時建寧慶王鎮軍田一軍八十畝之外悉徵稅
其斗米信上言天皇帝時詔邊軍盡力墾田毋徵稅

陛下即位後軍命之今余何忽為此舉至北諸軍防
邊勞苦其餘守無他生業惟事田作每歲自冬徃春
迎送凡刺使臣三月始得就田七月又復刈草八月
以後修治閘梁計一歲中曾無休暇况邊地硠瘠霜
早收薄若一徵稅則人不復耕必致竄逸軍心搖二
誰與共守索納其言及土水變作人情恟懼有議棄
宣府城者官吏軍民紛然就道亨信仗劍坐城下令
曰敢出城者斬又進諸將誓之曰朝廷付亨信此城
亨信以死守之願諸君無懷他志由是人心始定頃
之也先奉車駕城南傳命亨信登城語也奉命

守城不聽糧啓閉也先乃去賊之而犯也赤城鵬鷄
懷來永寧保安諸守將咸棄城遁亨信並按舉其罪
當是時流殍蔽北將寇自薄城下闔門左右皆戰場
積骸徧山谷將士多愕眙戚蹈亨信與總兵楊洪以
孤城當其衝洪歿入衛又與朱謙共守外禦強寇內
屏京師卒能全城報天子時人莫不多其功朝議亦
以亨信守邊勞進左副都御史景泰元年年踰七十
乞致仕不許是秋入京陛見辭益力免冠叩首帝見
其著光整處顙髮皆盡乃許焉歸八年卒亨信明敏
有才遇事敢任歷鎮西北二邊所措置咸得宜而特

守項不誤或不能無議云

張惠字翅吉德州人永樂中舉於鄉授都察院司務
有清操歷事監生八十餘人常考試賜惠銀幣惠不
納委之而去惠因奏開諸生悉謫遣吏宣德初權陝
西道御史出按雲南大理主官楊琳王貴跋扈為民
害惠行部至結金送之安寧飲之酒而縛之遂正其
罪所部黑白五監井奸弊積叢為更立法禁人大稱
便改按浙法惠以農民易畚耨察吏斷獄公明不私
苞苴路絕進南京光祿少卿寺丞董正等久為奸利
惠奏奏免歸都御史吳訥按問成誣等四十四人先

祿為清吏養去職官。廟壁牒夫數百。以乞歸。銘題復
視。帝用為權四川左布政使。正統十三年。重慶大旱。
慮憂之。詢吏。軍民有未葬者八百。樞不能嫁娶者百。
餘人立解佩帶湯資以給貧者。由是士民爭出錢穀。
佐助不數日。醵災粟奉天。遂兩歲以有秋。惠無常。好
自奉。惟蔬菜嘗作墨菜。圖寄南都故人魏驥。陳敬宗
為之贊。作詩美之。景泰三年。以江洲薦召拜南京禮
部尚書。英宗獲位。南京大臣悉罷。惠亦罷歸。踰年卒。
惠有行誼。其祖墓嘗遭兵燹。屍柩暴露。家人感術士
言。不修葺。葬惠既預鄉荐。不擇期日。身親舂鉞。盡掩

其方冬被髮徒跣如初長後宦遊過里不歸家寢食
悉於墓廬親致飲死者就之且席地而食曰吾祖父
皆在地下吾安忍易輩自恣哉其制行如此

馮謹字守禮新樂人性至孝宣德二年舉進士遭父
母憂居喪毀瘠親負土以葬服闋授御史正統中按
浙江貪猾屏跡紹興寧波台州金華諸府饑請發朝
賑之時吏部驗封印中缺且數年御史以為言帝令
推擇會謹九載滿部臣薦其廉直遂用之居數年以
薦擢湖廣右布政使正統末湖廣群苗叛掠靖州命
謹同御史張壽往撫諭泰將張善整與總兵譚等至

招納數千永徽業其內微浦出掠者督軍擊賊之尋
與善破黑溪諸寨凡斬首三百級景泰元年復與善
火破楊婆諸寨獲首功四百已冷恭將李震擊青龍
渡楊山諸賊大敗之追奔至鷄心嶺先後斬首千四
百有奇師還諸州賊復出掠平師搗其巢斬獲如前
明年春武岡城溪諸賊結廣西蠻據青肺山為患復
偕震攻破之獲賊楊光奉等五百六十人斬首倍之
扶城諸砦聞風歸附控出入行間三鐵衛冒鋒鏑與
諸將同而運籌轉輸謹功尤多三年轉左布政使錄
其功績奏六等六年遷右副都御史巡撫河南奉命考

蔡萬吏去留悉當撫安流民三萬一千餘戶天順初
廢巡撫官謹亦罷歸久之卒謹素廉介楊士奇嘗曰
馬御史如水霜餘西其為老成推許如此成化初都
御史葉盛請錄先朝大臣子孫詔許其家自陳命吏
部疏操行尤異者乃列顧佐軒輅耿九疇王士嘉沈
翼王瓚王宇及謹凡八人以上詔去瓚宇不錄謹及
佐等俱予孫一人入國學翼山陽人仕至南京戶部
尚書居官無過人者以其子璠方為都給事中兼得
與謹等並列云

李儀冰人永樂間以薦舉授兵部主事宣宗親平漢

王高煦儀王奏曰趙王高燧素有異志今雖終於高
煦之舍亦適增其怨耳我務姑息彼蓄危疑其為變
也不難矣莫若去其護衛抑其威權則恩義兼盡骨
月保全否則終為後患明日帝以語侍臣張本本曰
性孟賢謀逆趙王未必不知即高煦亦謂與趙合謀
儀言良是望聖斷勿疑憂原吉等亦曰陛下欲保全
趙王甚善儀言亦保全之道也帝領之遣使諭王如
儀指王即獻獲麟趙王無事儀尋出北江府有惠政
英宗即位之歲燧發諸遣巡撫燧儀右倉都御史巡
撫歸同宣府儀至盛有所建置疏令一新時遣北諸

鄒忠弱而朝議欲遣方攻楊洪等出塞追襲儀上言
四裔為中國患自古有之特在併禦有方耳晉漢文
帝時匈奴入寇擊之出塞即止後命三將軍屯朔方
棘門細柳止防其來非事進擊也今和寧殘部窮無
所歸乍臣乍叛小為遺寇此情之常為遣將者謹所
堪練士馬待賊將自遁何必窮兵遠涉幸一勝哉萬
一賊偵知無備乘虛襲我少有失傷適足為外夷笑
也初政等持重無窮追不納督餉叅政劉健不職為
儀所劫連因誣儀淫亂事通叅將石亨欲奏鎮守中
官郭敬罪先答儀儀誤賊答勝於核餉主事宋春中

戶部以聞數等款相奏許帝怒命儀璉自陳而初責
數等建建新陳不實令御史責取死罪狀停俸二歲
儀璉引罪而償其直祠頗激遂被劾下吏瘦死儀居
廉謹遠人素德之聞儀死皆泣為建昭德祠祀之

張周字公正新喻人宣德八年進士正統初授刑科
給事中政吏科吏部侍郎趙新挾私與部中張琛恣
競失理卿俞士悅擅擬評事馬豫為守副浙江按察
使柯運既告老豫用薦起官都御史疎鑑侍郎丁鉉
通政使李錫各舉為官為知府而出身皆掾吏周悉
勸為掾為初責新等自是掾吏不得皆知府著為例

帝將北征周偕同官疏諫不從遂有土木之禍尋進
吏科都給事中平江伯陳豫擅起復訓導陳冕從軍
周勅其徇私廢法斥陽侯陳懋尚書金謙等討賊無
功周偕同官極論其罪俄奉命撫河南裕州流民且
召募民壯措置有方民安事集景泰改元遷大理右
少卿鎮守四川建昌有政績三年遷理寺事尋以山
東歲饑盜起遣周偕捕時霖雨為災流人載道周盡
心賑恤盜賊弭散明年召還久之卒周在諫職號敢
言又有故事才所至謹於其職為一時能臣英宗獲
辟遣令周偕諫北征遣使諭祭官其一子子勸亦登

進士為御史終廣西提察使同時有唐縣馬恭勳鄉
舉入國學餘杭州府推官徵授御史正統八年巡視
陝西邊防尋賜贊延綏軍務公廉不擾將吏畏服以
窮遠無醫藥人多病死請於邊城十五所各設醫一
人官給藥餌車馬之屬數年部卒三千人狀其治
行請加秩次任帝初不許鎮守都御史王文等為言
乃權右僉都御史楊登如故都指揮陳聚等侵奪民
地奏還之民寔歸焉恭泰初聚賊打浪山有功進
右副都御史屢疏乞休朝議以恭習邊務不聽其請

卒於家

李繼字元曜弋陽人永樂中登鄉薦授教諭歷南京

國子監掌錄正統三年陞為推授御史出視浙江海
防倭犯杭州為總督將都主滄所劾金亦奏滄擅調
盤石衛糧携其孫巡行郡縣失大臣體詔俱令自陳
金引罪論求即輸服乃罷滄巡撫停金俸半年改按
蘇松諸府政嚴勸誨去取甚衆九年蘇松常鎮太
水壞廬舍溺禾民溺死者千數金奏乞蠲貸瀕海衛
所將校多侵漁軍餉疏請嚴禁又言外府諸王宴例
堯二人強從而兩京太學獨否士多艱困宜和例優
堯帝皆報可其楊士濟薦移督宗幾學政金有學行

興立教務崇實黜浮高才生胡柱等五十餘米分
經授業出爲振雄大理寺左丞十四年巡撫河南
及京西四衛奏宮項巡歷廣平順德見居民十九逃
竄由避寇者就言敵騎未退驚疑若此亦有官軍降
人偽作賊裝囊輒取冠衣初隣境巡撫官極恤難民
饋食遣還嚴捕劫盜以安未竄之民帝悉從之己請
蠲畿內軍需三稅十免大名順德廣平戶口鹽鈔而
發臨清倉以康畿內歲甚德焉南陽流民至數十萬
幾生變金善經署以紓安堵以復妖賊史普明進石
門縣志如故景泰元年命壽撫畿輔諸府遭疾致

仕歸天順初辛奎好學工屬文居官廉勤多所建白
于玘登進士亦為御史終陝西按察副使

羅綺磁州人宣德五年進士授御史有能名正統中
泰甯寧夏軍務踰年當代還從軍民請命優任尋擢
大理右寺丞泰甯如故指揮任信先以軍千人役於
總兵官黃真家綺劾之信遂訐綺不法事詔召綺還
下按臣勘驗無實而中官王振勢方熾真乃復訐綺
且言綺嘗置宦官為老奴以激怒振振果大怒言官
承風爰劾法司輸贖徒還職振不從再下錦張衛將
揮馬順鍛鍊戍鐵邊滿成遼東際帝在綺新竟不聽

專用金縢爲名獲赦歸未幾進右少卿制李寶慶克
制止室駕還以勞擢刑部左侍郎己代寇深鎮靜松
潘賊首車勝歸治他盜可免結等類爲寇所擒斬之
蜀前王求與主官高茂林董徽雖殺賊茂林族屬五
百餘人歟子雄三子餘人守將不能制緝進兵擒其
衆遂誅衆父敗黑虎三姐諸番斬馘三百五十在鎮
卅年威名甚震天顏初召爲左制都御史御史張鵬
楊瑄之劾石亨也亨獨將與右都御史耿九疇資使
之并下獄降廣西參政時其才頗鞅鞅留家未赴
○○周知龍約曰京選與銜言天子仍寵信宦官

剡縣水為五振形似箕將開也微笑用出朝蓋來陳
致吾輩降點怨家王佐詰問番之帝大怒立捕下吏
籍其家陳所籍財賄繁夥問以示百官遂坐籍犯家
為戍邊婦女強入浣衣局憲宋立救為民還其資產
其家仲宏祥符人臺州時日記謫言巡撫侍郎于
孫奇之補邑始生登其院中并建崇德南京戶部主
事潘瑩蔡有康能降九載秩滿當轉郎中吏部以宋
才特用為撫州知府表士吳興弼及陳不至城府宇
潛詣與弼知字賢先送獨張說竟日出曰真無私貌
其為政簡靜而勤強履所課求不私私於術未播寒貴

山中多虎為害請於神虎一虎盡去盜竊民聚聚割
掠守曰此遺骸寒耳開倉賑之皆感泣復為良民天
順元年所司錄其治行詔賜誥命獎異頃之大臣會
薦起擢山東右布政使守初赴官所攜止律令數卷
朝祭服一笥及去一物無增者既至山東會歲大侵
民多流移議委監司一人賑恤衆推守特降璽書命
之守盡心撫輯全活數十萬人明年陞右副都御史
巡撫宣府中官嚴順都督張林等令家人承納芻糧
守卒即劾奏都御史寇深為解帝初責深尋命兼撫
秦晉諸事及從子彪恃勢驕恣而大同其舊鎮地微

索纔橫宇抗疏論其奸乞寘之法以銷患未形疏雖
不行聞者莫不敬憚舒劄部中楊益不能併芻蕘為
宇所劾戶部庇之宇并劾尚書沈周等皆輸罪遭喪
歸起復為大理卿固辭不許宇剛介所至有威名及
居大理精研庶獄平反為多七年卒翁不能飲帝聞
為慨息久之云

綸曰朱鑑羅亨信李儀張固李奎侃侃建白俱闕大
針抑諒矣哉張惠為謹並古道自將不佞居官廉潔
而已羅綺玉宇東剛大之氣視資幸如小兒非歸然
一時之望與當國是紛紜之際而清議卒以不泯者

其亦諸人之力也夫。

明史卷二百三十三

列傳七十四

陳汝言

縣

弘

虛

彬

王越

陳鉞

戴

縉

張

顧

胡

睿

陳汝言字詢之潼關衛軍家子也為人強悍有口習
險鄙之行既而折節讀書舉正統七年進士授戶部
主事進郎中嘗出勘災傷覈鹽課所至凌轢官吏巧
獵財賄公事者為所責不覺也然汝言負氣敢任雖
尚書于謙亦才之景泰五年有邊警謙請遣汝言與
刑部郎中陳金往守倒馬關御史李琮等劾二人挾
嫌無辜用并劾謙奪權蒙蔽引用親故吳寧項文曜

鄒幹其偉蔣琳殷謙布列要職請按治帝宥謙因諭
戒之而汝言金上章辨力詆御史御史復疏訐並下
所司覈無驗乃已英宗優辟深結曹吉祥石亨冒迎
駕初超擢本部右侍郎廕錦衣世襲副千戶未幾又
以吉祥等言調兵部汝言既得志意氣奮厲凌尚書
遂驤出其上驥畏避之常低同列龔永吉謂驥私與
驥不自安奏調永吉南京無何驥謝政即代為尚書
汝言雖即署僅半歲驟掌中樞自此益恣肆遇事輒
懷臂敎言有所施設恐衆不從即妄稱詔旨文武大
臣端端趨承惟謹屢於帝前歷詆公卿朝士附已者

引之忻者必斥逐乃已。朝野為之側目。而汝言楊賜
自謂得意納賄市權。一時偵帥輻輳門下有吏為汝
言所杖死於獄。吏妻伺汝言出朝欲訴冤。謾舉尚書
王翺與翺詢知狀。送之汝言。所汝言因奏臣為國竭
忠不恤患害。恐有詭譎行刺。釁乃命京營軍一隊護
其出入。嘗以輕直押貢駙馬都尉井源宅。詭奏石亨
張軌見臣居湫隘為臣市井氏廢宅。其欺詐如此。始
善徐有貞後與曹石革共構之。復相與逐岳正。既又
慮力能害已者。惟曹石乃密陳兩人過惡。兩人聞而
決怒。內對。愾攻帝亦漸覺其奸。命言官彈劾。於是六

科十三道奏其受賕結黨事下廷詢初汝言用事嘗
於帝前詆尚書趙榮不樂無術及是榮詰之曰汝有
學術乃如是耶汝言不能應遂論斬詔籍其家先是
于謙被籍上賜外無他物至是籍汝言家金帛充叔
帝命陳大內廡下召大臣入視曰景泰時任于謙久
家無贏蓄汝言未期年何得賂之多也帝怒甚色變
石亨等俯首無以對後曹石相繼敗汝言猶望帝赦
已已而竟死於獄天下快之同時附石亨進用者有
渭南孫弘威寧盧彬甘亨同卿也弘由鄉舉歷洛陽
知縣景泰初秩滿亨為營於吏部得太僕丞冒迎駕

功權工部右侍郎遷僉黃緣政吏部帝知其奸佞會
遭喪恐其謀奪情即詔令守制未終喪而亨敗賊大
理通判彬由進士累官貴州叅議坐貶下吏斥為民
誦事亨奏言亨憐臣被誣得罪館臣於家數與汪憲
謀進駕乞錄用帝以問亨亨為竇之遂命還故官彬
不欲赴貴州朝夕營顧懼亨亦屢薦彬入閣輔政既
獲求為兵部侍郎皆不許汝言紫兄事彬而畏其強
勢陰佞恐佐兵部不利已請帝出之乃以為山西左
叅議亨敗復斥為民又有武進王謙者以善書積官
依常少卿供事文淵閣為人輕狡害潛洩機密市權

周利大學士王文等惡之奏調南京考滿入都因詣
事亨遂薦入內閣典制誥帝不從亨固請之命留於
太常寺已而惡其奔競復調南京及亨收賄知夔州
王越字世昌潯人長身多力善射頗涉書史登景泰
二年進士授御史出按陝西聞父訃不俟代輒歸為
都御史所劾景帝特原之天順初起掌諸道奏章起
拜山東按察司七年大同巡撫韓雍召還帝難其代
喟然曰安得如雍者而任之李賢因薦越召入見帝
喜其岸異即擢右副都御史以行甫至遭母憂奪情
視事越乃繕器甲簡卒伍修堡砦為經久計成化三

年賊入塞督將士禦却之其秋兼巡撫宣府五年冬
賊入河套延綏總撫王銳請濟師詔趙率師赴之河
套者周之朔方秦河南地土沃盡水草東距山西偏
頭關西距寧夏可二千里三面阻河北拊榆林之背
唐三受降城在河外故內地明阻河為守延綏亦無
事自天順間毛里孩等三部始入為門庭寇然時出
沒不敢出駐至是始屯牧其中時內侵為患趙至榆
林遣游擊將軍許寧出西路宛瑾出東路而自與中
官秦剛按中路為聲援寧戰柴家澗瑾戰崖窩川皆
捷秦將神英又破賊於鎮羌賊乃退明年正月趙亦

還甬半道延綏警報復至兵部劾趙檀還詔弗罪命
仍赴援賊萬餘騎五路入掠越令寧等擊退之進左
副都御史朝廷以寇擾不止辭撫寧侯朱永為將軍
與越共圖賊遂破賊于開荒川諸將追奔不舍至牛
家寨阿羅出中流天走論功進右都御史又明年越
以方事西征辭大同巡撫詔聽之加總督軍務專辦
兩賊然是時賊數萬在邊而官軍堪戰者僅萬人又
分散防守勢不敢永越乃條上戰守二策尚書白圭
亦難之請勅諸將且守其年賊復連入懷遠諸堡永
越禦却之士優請大舉搜套明年遣侍郎葉盛至軍

議時永已召還越以士卒衣裝盡壞馬死過半請盡
休兵赴京師議事於是與盛偕還而廷議以套賊不
滅三邊無寧歲先所調諸軍已踰八萬而將權不一
迄無成功宜專遣大將調度諸軍乃拜武靖伯趙輔
為平南將軍勅陝西寧夏延綏三鎮兵皆受節制仍
命越總督軍務此至賊方深入環慶固原飽掠軍竟
無功越輔以滿都魯李羅忽兒加思蘭方強盛勢未
可破乃奏言欲窮搜河套非精兵十五萬不可但
今餽餉煩勞公私困竭重加科歛內蒙可虞苟念艱
難姑事違守宜即散遣士馬量留精銳就糧鄰近沿

遣軍民悉冷內徙其寇所出沒之所多置烽燧鑿整
築塙以為保障賊自不敢懸軍深入奏上廷議亦不
敢堅決越等又奏賊知我軍欲集移營近河潛謀北
渡殆不戰自屈但今荒旱易糧缺供邊地早寒凍餒
相繼以時度之攻取實難請從防守之策臣等亦暫
還朝於是部科諸臣劾越輔欺謾會輔有疾召還以
寧晉伯劉聚代輔為平鹵將軍越與聚敗賊漫天嶺
進左都御史是時三違大將皆以越總督軍務竟不
能破賊賊每入小擊輒去軍罷即後來率一歲數入
諸將士益玩寇而賊轉熾其年九月滿都魯及李羅

忽訖加思蘭留妻子老弱於紅藍池大舉深入直趨
秦州安定諸州縣越策賊盡銳西行不併東偏乃命
延綏總兵官許寧游擊將軍周玉各將五千騎為左
右哨出榆林踰紅兒山涉白賊灘兩晝夜行八百里
將至暴風起塵翳日衆惑欲歸一老卒前曰天贊我
也去而風使賊不覺歸而遇賊還處我下風擊之蔑
不勝矣越遂下馬拜之擢為千戶乃分兵千人為十
覆而身率率王張兩翼薄其營大破之擒斬三百五
十獲駝馬器械無算焚其廬帳而還及三首飽掠歸
則妻子富貴已蕩盡相顧痛哭自是遠徙北去不敢

後居河套兩強息肩者數年十年春廷議設總制府
於固原控制延綏寧夏甘肅三邊總兵巡撫而下並
聽節制即以越任之三邊之缺總制自此始已而論
功加太子少保增俸一級越自以功大賞薄而紀功
部中張謹兵科給事中郭鏗等論劉聚等濫殺冒功
并劾越妄奏越怏怏不悅稱疾還朝明年與李賓全
掌院事兼督十二團營越素以才自喜不修士行既
為朝議所虧益破名檢有奸人韋瑛者以宦官家奴
從征延綏冒功得百戶越素識之及汪直掌西廠用
事任瑛為爪牙越遂由瑛自結於直他日為間論罷

而殿越遇大學士劉吉劉瑯於朝頭謂之曰汪直行
事亦甚公如黃賜專權納賂非直不能斥去且商薦
在事久是非多故有忌憚二公入閣幾日何亦為此
瑯曰吾輩所言非為身謀使直行事皆公朝廷置公
卿大夫何為越不能對既而兵部尚書項忠罷越自
謂當遷而朝命予陝西巡撫余子俊越彌不平請解
營務優詔不許因自陳搗巢功為故尚書士所抑從
征將士多未錄乞移所加官報之兵部亦言越實不
酬功乃進兵部尚書仍掌院事尋加太子太保越急
功名汪直初起征越意望解師而為陳鉞所沮不果

得及見賊驛爾寵心益艷之十六年春鎮守延綏太
監張選奏賊衆潛渡河巡按御史徐舟亦言賊入靖
虜越乃說直出師詔拜保國侯朱永為平南將軍汪
直監督軍務越提督軍務越說直令永率大軍由南
路已與直將輕騎循塞垣而西俱會榆林越至大同
聞賊帳在威寧海子則盡選宣大兩鎮兵二萬出自
孤店潛行至貓兒庄分數道值大風雨雪晦冥進至
威寧賊猶不覺縱兵掩擊大破之斬首四百三十餘
級獲馬駝牛羊六千師不至榆林而還永所出道迂
不見敵無功由是封越威寧伯世襲歲祿千二百石

越既受封不當復領都察院而越意不欲就兩班御史軒進等頌其功引王驥楊善例請仍領院事提督團營從之明年復與直永帥師出大同適寇入境剽掠追擊至黑石崖擒斬百二十餘人獲馬七百匹進太子太傅增歲祿四百石明制文臣不得封公侯越至是復覲望侯爵遂從勲臣例改掌前軍都督府總五軍營兵督團營如故越自是真為武人矣其年五月宣府告警命越佩平胡將軍印充總兵官復以真監督軍務率京軍萬人赴之北至寇已去因留屯其地至冬而真薨其儻所間寵已衰越等再請班師不

許陳鉞時降舉劾亦代直請帝切責之兩人始有懼
色已而大同總兵官孫鉞卒即命越代之而以直總
鎮大同宣府其京營將士悉召還明年冠犯延綏越
等調兵援之頗有新獲益祿五十石帝是時益知兩
人交結狀兩人憂莫知所出大學士萬安等以越有
智計恐誘直復圖進用乃請調越延綏以離之兩人
勢益衰明年直得罪言官并劾越詔奪爵除名謫居
安陸三子以功蔭得官者皆削籍且使使責勅諭之
越聞使至欲自殺既見勅有從輕語乃稍鎮安越既
破名檢為禮法士所疾顧自負豪傑驚然自如飲食

供奉擬王者射獵犇樂自恣雖坐鋪從不少衰故其
得罪時議頗謂太過而竟無白之者孝宗立赦還職
治七年越屢疏乞免下廷議議者不能執乃列上其
功罪詔復左都御史致仕時越年七十老矣聞中官
李廣最用事復深結之謀起故官累以中旨召掌都
察院事給事中李源御史王一言等交章極論乃寢
十年冬寇犯甘肅廷議復設總制官先後會舉七人
不稱旨吏部尚書屠浦以越器上乃詔起原官加太
子太保總制甘涼邊務兼巡撫越言甘鎮兵弱非藉
延寧兩鎮兵難以克敵請兼制兩鎮解巡撫事從之

明年越以賊人質蘭山使蘇援邊乃分兵三路進勦
皆破走之加少保兼太子太傅遂條上制置吟容事
宜未報而李廣得罪死言官連章劾廣黨皆及越越
聞憂恨而卒贈太傅謚襄毅越姿表奇偉議論雄舉
久歷邊陲周知敵情偽及將士勇怯出奇制勝動有
成算獎拔士類驅使材勇財絀米若流水以故人樂
為用嘗西行謁秦王王開宴奏伎越語王下官為半
吹犬久矣事無以相酬者因盡乞其伎女以歸一其
大雪方圓爐火散諸伎擁琵琶侍立小校銅敝邊陳
敬情甚悉越大喜曰秦兵崇勸金危飲之命彈琵琶

備酒以金卮賜之既醺畢蘇喜指使半跪覆者曰
曰若得此何如校皇恐謝越大笑立予之自是校斬
其為盡死力始越在時人多咎其貪功及死而將饒
卒情其冒功廉餉滋甚遣臣竟未有如越者人亦更
思之

陳鉞字廷威獻縣人天順元年進士授兵科給事中
歲北時累遷本科左給事中元祿柳買帶物鉞偕同
官極陳其弊且言宮掖室索過多宜崇儉約紓民力
尋擢光祿少卿七年彗星見應詔言事請放鷹犬罷
齋醮帝頗寤鉞以同官不署名降旨詰責未幾鉞僅

有陳奏卿制是少卿王儼因劾達銘鈇亦許奏達
等俱下吏調外鈇得吉安同知屠夫秦留吏部尚書
姚夔為之請得還任已起拜山東左布政使鈇遂致
有心計事至敢為外示強直而中實邪佞始猶欲批
取名譽既次書事左官營求援入遂不復自檢飾在
山東貪殘險詐為巡撫年俸所抑不得肆居常鞅鞅
十二年以右副都御史巡撫遼東將核為其下所訟
輒罰馬馬價翔貴而下愈玩鈇頗益矜夸自喜稱獨
勅如彭韶得執治都指揮以下官為兵部所敗帝特
責責之會遼東部人深入清河鈇屬半僅鈇恐得群

乃建議訪討帝許之通近塞土著也儒格等十八鎮
皆遣使入貢聞將興師恐誤羅兵禍乃走撫順自則
鐵方圖掩罪與副將韓斌謀盡繫之獄而夜襲屠其
家殆盡以搗巢大捷聞於是諸部並憤大掠不可禦
當是時中官汪直弄權屢興大獄結怨朝士思立邊
功自固有通事王英者揣知直意說直曰迺東世修
職貢焉有背叛祇以禁彼市易故懷怨今誠不務招
輯而欲進討非計也公宜自循行邊察誠功罪直喜
請於帝命中官懷恩至問議之皆言宜別遣大臣乃
以命特却焉幾升進升未至誠兵已失利顧頻奏捷

巡撫御史王_清之發其狀兵部尚書余子俊因劾鉞
欺罔請事寧罪之詔可時文升招撫未定鉞心忌之
欲阻壞其事文升屢請命於朝詔鉞與協議鉞終阻
詰疾文升彌甚而王英見文升撫且戢復說直自行
據其功鉞聞直將至旬知居職無狀懼獲譴急遣人
賄朝臣與直厚者新為之辭又令教自廣寧抵山海
關誘居民候直過來道頌鉞復賄直左右共加稱譽
直信之北至廣寧鉞戎服迎拜道左除館盛供帳下
逮僚僕皆饗大喜過望鉞入謁復長跪叩首已使
趨承朝暮惟謹令其子父事直直大喜鉞因排陷

升俸崇之皆得罪又揣知直好兵為直言迄東可服
拔監直還朝鉞即上言敵復犯境請搗其巢以卻敵
不可而止十五年直復與尚書林聰等出勦遼東決
事狀總兵官歐信等俱下獄被斥而直庇鉞居職如
故其年冬鉞復希直言言迄東伏加當將入犯詔撫
寧侯朱永為總兵官直監督軍務討之而不及鉞鉞
失望亟自請於朝乃命鉞叅贊軍務率精騎掩擊俘
斬千餘人而還進右都御史居數日召為戶部尚書
自是直益好兵簡附者爭言邊事以邀爵賞而王越
西征之師繼出矣歲鉞師甫還敵復入掠清河穀陽

以獲嬰為名，錢懼，遂不以聞。為巡按御史，強珍所發，但停俸一歲。言官論不已，南京御史徐完給事中章玄應等數鉞新罪。三帝怒，切責俱奪俸。而珍反為鉞所陷，朝論益不平。十七年代余子俊為兵部尚書。明年，直寵衰，都督馬儀奏鉞撫遼時奸貪，敗固寇軍資數十萬。又詐殺蕃使，奪其貢物，隱匿傳獲子女，子澍冒功，官錦衣千戶。恃勢作奸，乃勒鉞致仕。儀亦罷職。及直敗，言官劾鉞以既斥歸，不問鉞家居橫行鄉里，持官吏短長，又虐其寡嫂，奪兄子財產。嫂潛赴京，發其撫遼不法事，東廠以聞。逮鉞及其子，下詔獄。子具

服罪鉞楊揚無懼色大言曰諸侵盜財物子女誠有
之但滿時已分遣要人舊籍故在也諸要人聞之相
與力解其事削籍歸卒

戴縉字子容南海人成化二年進士授御史性機警
遇事奮前不避出按浙江以繫豪強扶善類為名再
按蘇松奏徙常熟草職忝議章表於邊表素恣橫民
快之然縉為人強而多詐素無行以是滿九歲不得
遷久之益無聊會西廠罷汪直罷不報帝猶寄腹心
詞外事縉探知之與錦衣千戶吳綬謀復西廠先以
疏草示直乃疏疏遂以此定吳綬大臣共修省曹不

聞進一讞言，裁一弊政惟太監汪直摘發奸貪疏釋
冤害深協公論乞令兩京大臣自陳而推誠任直使
及時修政則宿弊可革天意可回因條上四事帝喜
優旨答之先是楊輩之獄直謫大學士商輅刑部尚
書董方左都御史李賓受賄帝銜之而未發至是緒
欲令大臣自陳深合帝意由是輅等先後去位而西
廠復立直偵事益苛動毀人家族勢焰薰天下其禍實
繇成之也直既深德緒諷吏部趙權緒亦自意可得
都御史會按獄湖廣還遽尚寶司少卿緒意不滿遂
與王趙吳綬比而詣事直明年遂起遷右僉都御史

又明年遷右副都御史十七年擢右都御史代王越
掌院事皆出中旨不由廷推臺中紀綱掃地越二年
直寵既衰調南京工部尚書亡何直敗言官交劾斥
為民同時附直驟顯者有太原張順長垣胡齊順天
順中進士為庶吉士授檢討成化四年以禁星見條
上八事語皆切直秩滿進修撰順有才氣而急功名
黃緣擢右僉都御史巡撫宣府直行邊經其地順曲
意承媚傾府藏餽之直悅還即用為工部右侍郎直
敗劾罷廢由進士歷平陽知府以善政聞賜誥旌異
遷江西右叅政入為順天府尹民饑負所貸官庫奪

奏獨之。又以水災請發帑賑贖民甚德焉。然素無特
操見直勢盛與相結且令其子父事之由是得為工
部右侍郎未幾中旨改左先是直未敗時又有王億
者銅梁人舉進士與縉同為御史見縉通類亦上言
直所建白不但一時可行足垂後世直大喜吏部承
指權湖廣制使

論曰名節之於人也不繫重與汝言傾險邪佞殊無
足道以王越之才不惜飯命刑餘以干進取營營詭
遇乃至垂老而不悔又真怪縉之卑卑者乎夫士
苟仕宦熱衷便可無所不至脫有一朝之獲亦大難

以行檢論矣嗚呼可勿慎哉

明史卷二百二十四

列傳七十五

李賢

薛瑄

岳正

彭時

呂原字憲

商輅

劉定之

李賢字原德鄧人舉鄉試第一宣德八年成進士奉
命察河津蝗災還授驗封主事時賢有威名少師楊
士奇欲邀一見賢曰無故造門足干進也竟不往正
統初並言自遷北京以來太學日廢寺觀日新舉措
如此可謂大料請移其費修舉太學又言塞外降人
潘宗師者不下萬又令指揮使月俸三十五石實走

僅一石降人反實丈十七石五斗是一降人當京官
十七員半矣俸食者衆後將難繼況平時怙恩驕縱
萬一邊陲有警勢必乘機而動不如漸出之於外既
省虛費且可消患未萌帝皆不能用時詔文武臣誥
勅非九年不給賢言限以九年或官不能秩滿或親
老不待不得者十常八九無以勸臣下請仍三年使
從之十年遷考功郎中改文選扈從北征師復脫還
景泰二年上正本十策曰勤聖學篤歲時戒嗜慾絕
玩好慎舉措崇節儉畏天變勉責近振士風結民心
詔付所司給事中李侃等稱賢疏忠獻多中時鑒乃

帝翰林寫置左右備有覽賢薦千戶主選有將才大
屢陳車戰火器之利帝頗採納起擢兵部右侍郎明
年考察四川官吏還轉戶部時也先數育馬賢謂賜
民膏血輦送金帛狡寇日強中國日敝持此悠悠實
非長策因陳邊脩廢弛狀尚書于謙壯之請下其章
編屬諸將四年轉吏部採古二十二君行事可法者
四鑑古錄上之英宗復位命兼翰林學士入直文淵
閣未幾進尚書賢氣度端凝善奏對帝深眷之景帝
崩將以汪后拘葬用賢言而止山東饑發帑銀三萬
賑之不足帝復召徐有貞與賢議有貞謂發銀從中

鮑賢曰天下事何一無弊顧奉行何如耳慮中飽而
不貸是因噎廢食坐視民死也帝遂命增銀四萬兩
崇泰中三歲一度僧以萬計賢言此皆將手之民蠹
國損食請改十年一度著為例時石亨等言祥與有
貞爭權不協并忌賢已諸御史交章論亨等亨等疑
出有貞賢意譖之帝帝為喻意言官劾二人謀擅權排
斥勲舊下之獄會有風雷之變得釋謫賢為福建泰
政未行吏部尚書王翱言賢淳謹可大用宜楚改南
京帝遂留為吏部左侍郎踰月復尚書直內閣如故
亨知帝之嚮賢也則怒然無可奈何乃陽與賢交雖

賢亦深自韜匿非宣召不入而帝顧益親賢顧問無
虛日時建文帝少子幽居大內六十年矣帝憐歛
之以問賢賢頓首曰陛下此舉堯舜之用心也天地
祖宗寶式憑之帝意遂決先是于謙分遣降人南征
至是兵部尚書陳汝言希宦官指畫召之還賢力言
不可帝曰吾亦悔之然今皆就道後當聽其願去者
從言大同宣府秋熟宜預儲芻糧備警左通政劉文
翔習邊事宜令整飭沿邊墩堡皆從之字米嘗近塞
獵亨言傳聞墜在彼可命將掩而取也帝色動賢言
擊不可錄墜不足賢事遂寢吉祥亨恃功驕橫帝厭

之屏人語賢曰此革于政凡四方奏事者先造其門
朕今一斷之至公趨附者當自息賢曰願陛下制之
以漸幸甚當吉祥亨等用事時賢雖顧忌不敢盡言
而從容論對所以裁抑之者甚至及嘗得罪帝復問
賢奪門事賢曰迎駕則可奪門豈可示後天位乃陛
下固有奪即非順廟時亦幸而成功耳萬一事機先
露亨等不足惜不審置陛下何地帝悟曰乃知此革
非為社稷計直自圖富貴而已賢曰時亦有要臣者
臣不敢從若邴王果不起群臣自表請陛下復位燕
相援攘乃滿陛下正位之後此革雖欲邀陛下賞以何

為功老成者舊依然在職何致有殺戮降黜之事哉
干天象招權納賄何自而起今天下太平氣象為此
革削損過半矣易曰開國承家小人勿用正謂此也
帝曰然詔自今章奏勿用奪門字併議革冒功者四
千餘人帝初慮搖衆心賢言宜令自首改正不坐罪
及廷議追奪其俸賢復持不可人心始安賢嘗燕見
帝謂郕王在位時不與大臣相接賢曰自古明君未
嘗一日不與大臣講論所以天下乂安先儒謂接賢
士大夫之時多則君德益就是也帝憂軍官支俸多
歲入不給賢請簡汰老弱出之於外以安靜行之則

費省而人不覺帝深納焉時歲有違警天下大水江
南北尤甚賢外籌邊計內請寬恤百姓罷一切徵求
所言皆見聽五年七月曹欽反執擊賢於東朝房傷
脅又執至東長安門令呼衛士開門不得將殺之賴
王翺解獲欽復逼賢代草疏釋己罪始得免賢密疏
請擒賊黨帝得奏知賢無恙甚喜召賢署傷入見慰
勞之特加太子少保固辭不允賢言賊既誅宜急詔
天下停不急務頃奸臣用事排斥諫官言路閉塞事
墜上聞非求直言不可帝皆從之七年二月空中有
聲帝欲禳之賢曰禳之何如修省乃上疏言若不恤

武天下怨叛厥有鼓妖宜行寬政以消此異因陳輕
刑色責竊逋罷曠等九事行之又請罷江南織造清
錦衣獄止違法貢獻停內外採買帝難之賢執事數
四終不從同列皆懼賢退曰大臣當知無不言可獲
吾備位耶嘗薦布政陸瑜為刑部尚書或譖賢有私
久之瑜至人謂且擬侍郎賢不可曰以尚書薦而以
侍郎用之或不信何由取信人主及瑜為尚書果
稱職他所薦引若年富軒輓狀九疇王竑李秉程信
姚夔崔恭李紹甘名臣初賢以錦衣官校出偵事及
逮捕罪人為惠殊劇系為帝言請禁止帝召指揮門

達誠輸之而達方有盛寵每朝帝左顧則問賢右顧則問達達怙勢多撓法賢憂之乘間言今中外無事惟一害未除耳具陳達罪帝召達又以賢意戒之達怨賢次骨欲因袁彬獄陷賢賢幾不免語具達傳賢懼上疏力求退不許終天順之世賢為首輔呂原彭時協恭佐之然賢委寄最專初御史劉潯劾安遠侯柳濤敗軍罪觸帝怒賢言御史耳目官不宜見譴石亨遂得賢曲獲文臣帝然之浸疎賢尋悔悟待之如初每獨對良久方出遇事必召問可否方決或遣宦官就問賢亦竭誠奉公務從大體尤以惜人著聞

路為患時勸帝延見大臣有所推薦必先與吏兵二部論定及入對帝訪文臣則請問王黼武臣則請問馬昂兩人亦同心左右之故言無不行而人不病其專帝不豫卧文華殿會有問東宮於帝者帝頗惑之密告賢賢頓首伏地曰此國本也願陛下三思帝曰然則必傳位太子予賢又頓首曰宗社幸甚帝起立召太子至賢扶太子令謝太子謝抱帝足泣帝亦泣號竟不得行憲宗即位進少保華蓋殿大學士知經筵事三月日黜無光賢偕同官上言日為君象君德明則日光滅惟陛下敬以修身正以御下剛以斷事

明以察微特之不怠則天變自弭和氣自至又言天
時未和由陰氣太盛自宣德至天順間選宮人太多
浣衣局設官婦女愁怨尤甚皆宜簡閑放還其家帝
從之中外欣悅又言近傳番僧有誦經晚出者又有
非詔旨傳送寺觀財物者皆非高皇帝制請明祖禁
以肅宮庭優詔答之五月大雨雹大風飄瓦拔郊壇
樹賢言天威可畏陛下當凜然加省無狎左右近幸
崇尊老成共圖國是及秋山西大同旱饑請勅巡撫
加意綏輯安邊境詔從之有司奏修鹵簿賢亟言內
庫尚有未經御者今恩詔甫頒方節財用奈何爾復為

洪帝即日寢之賢每遇災變必與同官極陳隱隱而
於憲宗初政申戒尤切門達既竄其黨多扶匿名書
飛搆賢乞罷有詔慰留吳后廢言官請誅牛玉語極
賢又有造蜚語搆賢者帝命衛士宿賢家謹獲出入
戒化元年諸胥奪門功被斥者羣怨請復賢曰自奪
門後貪利之徒唯幸國家有事不早治且為患帝納
其言於是并奪太平侯張瑄興濟伯楊宗爵時論大
快二年二月遭父喪詔起復三辭不許遣中官護行
營葬還至京又辭帝遣使至第宣意遂視事條上道
中所寇軍民利病八事皆議行其年冬卒年五十九

帝震悼贈太師謚文達賢自以受知人主所言無不盡英宗嘗祭山川壇以夜出未便欲遣官代祀賢引祖訓爭之卒至齋宮成禮而還淨慈仙師胡氏宣宗故后也賢請復位號遂得追謚錦衣衛誣訐臨川武昌陽二王陰事無左證帝嘆曰觀此枉死者多矣賢曰法司明知其枉畏此革不敢申理乞明詔諸司平反毋畏勢引嫌又常言內帑餘財不以賑荒濟軍則人主必生侈心而移之於土木禱祠聲色之用以故頻請發帑賑貸卹邊前後不可勝計故事方面官三品京官保舉行之既久營競成風賢令吏部每舉舉五

人請帝簡用並推之創始此自三楊以來得
賢者然自郎署結知景帝超擢侍郎而所著書
帝荒淫多過其實其抑萊威憐岳正不救羅倫
尤為世所惜云

薛瑄字德溫河津人生時肌如水晶洞見五內其母
欲不舉祖聞其啼聲止之曰此兒體清而聲宏必異
人也乃舉之性穎敏年十二能為詩賦父貞任玉田
教諭瑄侍行時永嘉徐懷玉高密魏希文濟南王素
宗海寧李大亨范汝舟皆元耆儒謫戍北土貞並禮
焉瑄師由是得聞洛閩之學乃盡然所作詩賦寓意

講求後貞改官驛陵驛陵諸生多模陋國制教官歷
九年諸生無登鄉薦者教官譎成貞大以為憂乃命
瑄補驛陵學生遂舉河南鄉試第一時永樂十有八
年也明年成進士以省親歸居父喪悉遵古禮宣德
中服除擢授御史大學士楊士奇楊榮楊溥慕瑄欲
見之瑄謝不往出監湖廣銀場潔身任事日探玩性
理諸書學益進以繼母憂歸正統初還朝吏部尚書
郭健舉為小東提學僉事首布白鹿洞學規開示學
者廷見諸生親為講授雖片長不思棄其黠汰者
追其所食原由是才者樂其寬而不才者憚其嚴

不自勵是時王振竊柄語執政曰吾鄉人亦可為
京卿者予士奇等以瑄對乃召為大理左少卿三楊
先詰之不值私其僕曰而主人之擢王太監力也諸
朝當往謝瑄不可三楊遣人語之瑄執不可一日
主問問胡不見薛少卿士奇等曰國將來也知李賢
與瑄善令賢諭意瑄正色曰李君亦為是言耶拜壽
公朝謝恩私室吾不為也其後議事東閣公卿見振
多趨拜瑄獨屹立振知其為瑄也趨前揖之瑄亦無
加禮自是為振所銜八年指揮某死妾有色振從子
小欲納之妻不肯妻遂訴妻妾殺其夫下都察院訊

已經服瑄及同官辨其寃三却之都御史羊榮夫等
以承振風旨誣瑄及左少卿賀祖嗣右少卿顧惟敬
等故出人罪振復諷言官劾瑄等受賄故縱乃並下
獄論瑄死祖嗣等未減有差已而廷訊瑄斥文曰若
安得訊我若為御史長自當引避文怒奏因不服獄
問詔繫獄待決瑄請書自如略無愠色予三人顧
予代死二予克軍不允及當行刑振蒼頭忽泣於
下振問故則並泣言與瑄同里聞其當死是以泣
用備述瑄賢行振大感動會刑科三覆奏兵部特部
律亦申錄為免刑次之釋還景帝嗣位用格

信薦起大理寺丞也先入犯分守北門有功
貴州軍餉事竣即乞休學士江淵奏留之景泰二年
擢南京大理寺卿有富豪殺人獄久不決瑄執置之法
明斷之譽溢於民謀四年召改北寺蘇州大饑貧
民掠富豪粟火其居因蹈海避罪去文時以閹臣出
巡視執為謀叛當死者二百餘人瑄力辨其誣文志
曰此老倭強措昔然卒得減死屢疏告老不許英宗
復辟用楊善薦拜禮部右侍郎兼翰林院學士入閤
預機務王文謙既下獄石亨等將置之極刑瑄力
言於帝獲減等帝數召見瑄所陳計聞君德已見石

亨書吉祥亂政徐有直李賢並得罪嘆曰君子見幾
而作不俟終日吾可久居此地乎遂疏乞骸骨帝心
重瑄而微嫌其老又嘗於帝前誤稱學生乃許之歸
瑄所學一本程朱其修己教人以復性為主充養達
密言動咸可法則嘗曰自考亭以還斯道已大明無
煩著作直須躬行耳有讀書錄二十卷平易簡切皆自
言其所得學者宗之天順八年六月偶賦詩曰七十
六年無一事此心惟覺性天通未幾得疾衣冠危坐
正寢悠然而逝贈禮部尚書謚文清弘治時給事中
張九功請從祀文廟詔祀於鄉己給事中楊鏊請願

讀書錄於國學俾六館誦習且請祠名詔賜正學
隆慶六年允廷臣請從祀宣聖廟庑

岳正字季方溧縣人正統十三年會試第一賜進士
及第授編修進左贊善天順初改修撰教小內監書
閣臣徐有貞李賢下獄帝既用呂原入預政頃之薛
瑄又致仕帝謀代者王翱以正薦遂召見文華殿正
身長美鬚髯帝遙見色喜既登陞連稱善問年幾何
家安在何年進士正具對優大嘉曰爾年正強仕吾
北人又吾所取士今用爾內閣其盡力輔朕許彬老
與爾是特矣正頓首受命趨出石亨張軌遇之左順

門愕然曰何自至此此入帝曰朕今日自擇一閭閻
甚佳兩人問為誰帝曰岳正兩人陽賀帝曰但官小
耳當與吏部左侍郎兼學士兩人曰陛下既得人侯
稱職加秩未晚帝默然遂命以原官入閤正素豪邁
負氣敢言及為帝所拔擢益感激思報効掌欽天監
侍郎湯序者亨黨也嘗奏災異言內奸臣未盡去致
然帝以問正正言奸臣無指名即求之人人自危且
序術淺何足信也乃止有僧為妖言錦衣官校邏得
之坐以謀反中官牛玉請官邏者正謂事縱得實不
過坐妖言誅邏者給賞而已不宜與官僧黨

甘得免或為匿名書列曹吉祥罪狀吉祥怒
購捕帝使正撰榜格正與呂原入見曰為政有體豈
賊責兵部姦究責法司豈有天子購募者秦始皇殺
排謗妖言律不聞其過卒以亡國願陛下以為戒且
事緩之則自露亟之則愈匿此人情也帝是其言不
問寧從子彪鎮大同獻捷下內閣問狀使者言捕斬
無算不能悉致皆梟置林木間正按地圖指詰之曰
某地豈某地四面皆沙漠故梟置何所其人語塞時
寧書祥恣橫甚正從容言二人權太甚恐久不可制
臣竊以計間之使各懷疑去之猶反掌耳帝許之正

出即往見吉祥由忠國公常令杜清來此何為者吉
祥曰辱石公愛致誠款耳正曰不然彼欲觀公所為
宜謝遣之因勸吉祥辭兵柄復詣亨諭令勿戢且云
上使我告公如此兩人揣知正意怒吉祥見帝免冠
泣請死帝內愧慰諭之召責正漏言數承天門災正
極言亨將為不軌且言陳汝言小人也今既為尚書可
用盧彬為侍郎二人者俱譎悍若同事必相齟齬乘
其隙可並去之徐有貞再下獄復云用有貞則天變
可弭帝皆不納及勅諭廷臣命正視草正歷數弊政
無所隱避天下傳誦之而二人遂構蜚語指

帝怒命仍授內侍書明日謫欽州周知而都察院
季鐸遂奏奪其居第時入閤僅二十八日也道邇以
母老留旬日汝言令巡按言狀且言正嘗奪公主而
逆違繫詔獄杖百成肅州行至涿夜宿傳舍手奉憲
氣奔欲死涿人楊四懶之醉卒酒醒既正蔡且厚賂
卒乃得至戍所此家吉祥既誅帝謂陳賢曰岳正固
寄言之賢對曰正有老母可念乃釋歸為民憲宗立
御史呂洪等請復正官詔以原官直經筵纂修英宗
實錄勅還正故第正既還朝自謂當大用賢欲出為
南京祭酒正末悅有忌者為正劾賢疏第賢嘆之

及廷推兵部侍郎清軍職黃以正名上詔責其私出
正為興化知府至官築堤溉田數千頃節縮浮費經
理預備倉政有條理御史大夫不利其所為鵬榜言
正亦厭吏職成化五年入覲遂致仕又五年卒年五
十五無子大學士李東陽御史李經邦也正博學
能文章自號蒙泉學者稱蒙泉先生素高自期許氣
屹屹不能下人既輔政勇事敢言便殿論奏至唾灑
帝衣有規以信而後諫者正慨然曰上顧我厚懼無
以報稱予余何以諫官處我英宗亦悉其忠其在成
所嘗念之曰岳正倒好只是大膽正聞遂自盡

向岳正倒好只是大膽惟帝念我必當有感
汝再敢不敢臣嘗聞古人之言蓋將之死而靡憾也
其自信不曰如此然竟廣才疏欲以縱橫之術離間
權倖反為所壅人皆迂而惜之嘉靖中進階太常寺
卿鑑文廟

彭時字純道安福人正統十三年進士第一授修撰
明年卿王監國令同商輅入閣預機務時聞繼母憂
立辭求免乃拜命釋褐踰年即東政前此未有也尋
進侍讀景泰元年以兵事稍息得請終制然由此忤
者服原獲命供事翰林院不復與閣事遷易儲擢左

春坊大學士寰字通志成遷太常少卿俱兼侍讀天
順元年徐有貞李賢下獄有要人揚言曰彭純道第
見我當薦令入閣或以語時勸之往時不可曰往諸
人迎駕有沈司歷者三來邀我部中蕭聰言從之有
後福我終不往袁不敢希非分福今識依人求進耶
既而岳正許彬相繼罷帝坐文華殿召見時曰汝非
朕所擢狀元乎時頓首曰然帝喜明日命仍入閣預
機務兼翰林學士閣臣自三楊後進退禮甚輕為階
所親擢者唯時與岳正二人而帝方嚮用李賢數召
賢獨對然賢雅重時退必咨之時強義不阿

孝至夫色賢初或小忤久之心折局彭公真
賢欲置座文淵閣南向時曰不可宣宗幸臨跡猶在
也賢曰東閣何獨正坐時曰東閣西向非正坐也賢
猶不聽曰假使為文淵閣大學士亦旁坐乎時曰信
如公言則為筆蓋謹身文筆武英殿大學士亦將正
坐耶賢語塞乃寢慈壽皇太后上尊親詔告天下時
欲推恩賢謂一年不宜再赦時曰非為赦也謂宜行
優老之典朝臣父母年七十與諸勅百姓八十給冠
帶是則老耆老以及人之老也賢稱善即奏行之帝
雅愛時風度四年遷庶吉士命賢盡用北人南人必

君時者方可與選賢出以攝時時曰立賢無方御分
南北俄中官牛玉宣旨如賢所述時謂玉曰南士出
時上者不少何可抑之玉笑而入已而與選者十五
人南人居其六時之力也錦衣門連構賢於帝帝感
之曰去賢行專用時矣中責以告時懇然曰李公有
經濟才何可去因力直之且曰苟李公去時不得獨
留語頗聞帝帝意遂解及帝大漸口占遺命付閣臣
問色中書定后妃名分時讀竟不覺涕下中官獲命
曰彭時尤悲愴帝亦預涕憲宗即位議上兩宮尊號
中官畏時欲獨尊所生母周貴妃賢曰遺詔何

事多言時曰李公書是也朝廷所以服天下
常若不爾損聖德非小頃之中官傳貴妃旨曰予為
皇帝母當為太后室有無子而稱太后者宣德間有
有故事賢色變目時時曰今日事與宣德間不同期
后上表讓位退居別宮故正統初不_如尊今名分固
在安得為此中官曰既如是何不竟_讓讓表時曰先
帝存時所未嘗行今日誰敢擅革若人臣阿意順從
是萬世罪人也於是中官厲聲牀以危語時拱手向
天曰太祖太宗神靈在上孰敢有二心錢太后無子
何所親利而為之爭所以不忌默者欲全主上聖德

升若推大孝之心則兩宮並尊為宜賢亦極言之議
定及將上寶冊時又以兩宮同稱則無別言錢太后
宜加二字中官曰既並尊何復別為時曰加以以便
稱謂非有低昂也乃尊皇后為慈禧皇太后貴妃為
皇太后數日中官輩包至閣司上意默如是但迫於
太后不敢自主非二公立爭義誤大事時閣臣陳文
嘿無語聞包言甚愧禮成進吏部右侍郎兼學士同
知經筵成化改元進兵部尚書兼官如故明年秋乞
歸省會李賢卒手詔趣還朝英宗實錄成加太子少
保兼文淵閣大學士四年慈禧太后崩詔議

及商輅劉定之言太后作配先帝在位中宮
為太后詔示天下是先帝金夫婦之倫陛下盡母子
之愛於義俱得今梓宮當合葬裕陵主當祔廟此不
易之禮無可議者此間欲別卜葬地臣等竇懷疑懼
竊謂皇上所以遷疑者必以今皇太后萬壽後當與
先帝同尊自嫌二后並配非祖宗制一祇之於古漢文
帝尊所生母薄太后而呂后仍祔長陵宋仁宗追尊
生母李宸妃而劉后仍祔太廟今若陵廟之制稍有
未合則有幸前美貽譏來葉帝復猶豫時侍朝臣伏
奏爭門泣請帝與太后皆感動始從時議三見三台

時等既乞慘省因言外廷失政固所當先宮中根本
尤為至急諺云子出多母令嬪嬙衆多惟熊無兆必
陛下愛有所專而專寵者已過生育之期故也伏望
正名分均恩愛用廣繼嗣為宗社大計又言大臣黷
陟宜斷自宸衷或集群臣會議不可為委臣下使大
權旁落帝雖不能從而心嘉其忠都御史項忠討滿
四兵初不利朝議再發京軍命撫寧侯朱永將以往
永故難其行多所邀請時惡其張大且度軍可無行
第令且整軍裝待急報而是時忠聞朝議亦馳奏已
圍石城帝遣中官懷恩黃賜偕兵部尚書白驥信

等赴間議信曰事急矣師不可緩尉曰賊若
剽鋒誠不可當今入石城自保我軍圍守甚固此間
戰易擒耳獨商輅然其言信曰安知項忠不退師必
謂其固耶時曰彼分布已定何故自退且今出師度
何時可到信曰未春時曰如此並緩不及事事之成
敗決於冬月安能待來歲信怒出危厲曰忠軍若敗
必新一二人然後出師衆危之間時不發兵何見曰
觀忠疏曲折知其必能辦賊若聞別遣禁軍將遠避
不敢自任賊不可知矣至冬賊果平人乃大服政吏
部尚書五年得疾在告踰三月帝趣赴間視事免朝

恭是冬無雪疏言自古旱災皆由天恩感及近日先
祿寺採辦各城門抽分掊剋不堪而獻珍珠寶石者
倍估增直漁竭帑藏乞革其弊以惠小民疏入帝優
詔褒納明年畿輔山東河南旱請免夏稅鹽鈔及太
僕寺追賠課馬其冬京師歲祲米貴蠲發倉儲五市
萬石平糴並從之時以舊臣見倚重還事爭執無所
避而是時帝急於政大臣希得見又萬安同在内閣
連結中官戚畹上下壅隔時頗懷憂七年疾復作乞
致仕而帝慰留之不得去冬暮復見時言政本七事
一崇正道毋惑佛事廢金錢二傳教專委司

令他人以防詐偽三退朝之暇延見大臣議政
近幸賜予太多工匠胥官無紀而重囚死徙者法不
殺罪宜戒淫刑僭賞五虛懷受諫勿惡切直六戒違
臣勿依違凡政令失當宜直言論奏七清理牧馬革
地減退勢要莊田皆切中時弊明年審昔伯劉聚為
從父太監永誠請封謚且乞祠額禮部言封謚無故
事祠額惟王振有之亦非常例帝特賜額曰褒功命
內閣擬封謚時等言即予永誠將來守邊內臣皆援
此陳乞是變祖宗之法自今日始臣等不敢奉詔乃
藏其狀又因文傷請寬憂稅弛山澤之禁止今年印

馬免令賠償廢皇莊聽民耕種山東河南民轉餉陝
西者請停止使得蘇息時每因災變上言或留中或
下有司多阻隔悒悒不得志五年以後凡七在告帝
輒命醫就視道內臣賜賚者凡九十一年以言不見
用力懇放還田里不許進少保踰月卒年六十贈太
師謚文憲時立朝三十年孜孜奉國正存大體公
退未嘗以政語子弟有所論薦不使其人知燕居無
情容服御儉約無聲色之奉非其義不取有古大臣風
呂原字逢原秀水人父嗣芳萬衆教諭兄本景州判
導嗣芳既致仕就養景州與本相繼卒貧不能葬

或勸火塋原號哭不從權厝於景時時至墓慟哭
之奉母南歸家益貧知府黃懋得原文奇之召試其
又甚工問經史輒應口誦懋大喜原衣藍縷懋與
新衣謝不受會葺學舍有餘材以與原原又固辭懋
益大奇之時知府得補諸生因遣原歸學是秋舉鄉
試第一明年為正統七年賜進士及第授編修為楊
廷奇楊溥所器十二年與侍講裴綸等十人同選入
東閣肄業直經筵景泰初進侍講與同官倪謙授小
內侍書於采華殿東廡一日帝至命謙講國風原講
堯典帝稱奇問何官時二人並以中允兼侍講既具

對又問中允講讀品級對曰特正六品帝曰品同升
何相兼為命取官制視之乃進二人侍講學士兼中
允他日帝再至見二人遷坐旁壁下問之對曰至尊
臨坐臣等避不敢當帝喜曰有是乎後至輒立語或
東西行不復坐尋進在春坊大學士忝順初改通政
司右叅議兼侍講徐有貞李賢下獄金入內閣時石
亨曹吉祥用事最倨顧獨敬原源朝會衣青袍亨笑
曰行為先生易之原逡巡不答尋同岳正列上亨書
祥罪狀疏留中二人怒乃摘勅諭中語謂閣臣謗訕
帝大怒坐便殿召對近臣厲聲曰五大膽固敢訕源

清恭謹敏而正何也正既罷去原得留佐李賢通達遇事立斷原守正勤慎濟以持重而是時彭時亦入參機密三人相得甚歡庶政稱理其年冬進翰林學士六年遭母喪水漿不入口三日詔葬畢即起視事原乞終制不允乃之景州居母喪歸葬舟中寢苦致哀致體素豐至是羸瘠抵家甫裹事而卒年四十五贈禮部左侍郎謚文懿原內剛外和與物無競性儉約身無統綺歸裝惟賜衣數襲分祿恤宗姻親秉政猶好學不絕于憲宇束之以陰補國子生庶事翰林選中書舍人常憲曰先公豈以任子期哉

成說志慮試所司執故事不許憲宗特許之遂舉順
天鄉試禮部不第仍為中書舍人舍人得赴試自憲
始累遷禮部郎中憲好學能文諳習掌故琉球請歲
一入貢回貢使乞道廣東歸國憲皆以非制格之
以薦進南京太僕少卿故事太僕馬數不令他官知
以是文籍厯城登耗無稽憲曰他官不與聞是也太
僕職此而可貿貿耶議請三年一校勘著為例累遷
南京太常卿輯典故因革若干卷正德初為言官撫
諭憲不辨再疏致仕歸

商輅字弘載淳安人舉鄉試第一正統十年會試

試守第一終明之世三試第一者惟輅一人而
修撰尋與劉儼等十人進學東閣輅年姿瓌偉其家
親簡為展書官卿王監國以陳循高穀薦命入內閣
叅機務當是時无刺憑陵福建浙江廣東盜大起責
州湖廣鑾復叛奏請填委閣臣皆戴星出入輅悉心
叅佐勞効為多其冬進侍讀景泰元年遣迎上皇於
居庸進學士三年錦衣指揮盧忠與尚衣太監高昇
密謀令校尉上變告上皇與少監阮浪內使王瑤圖
後位帝震怒捕二人下詔獄窮治之忠筮於術者全
實實以大義折之且曰此太武兆死不足贖忠懼佯

狂以美免輅及中官王誠言於帝曰忠病風無足信
不宜聽妄言傷大倫帝意少解乃并下忠獄坐忠他
罪降為事官立功殺瑤銅浪於獄事得不竟帝將易
太子輅曰此國大事皇太后在上臣子誰敢輕議然
竟不能止進兵部左侍郎兼左春坊太學士學士如
故賜第南薰里時塞上腴田平為勢勦侵據輅請遣
官勘覈還之屯軍開封鳳陽諸府饑貧民流入隣軍
臨清者咸為有司驅逐輅憂其為變請撥畿內八府
閒田召流民耕墾給以糧種事多議行五年鍾同奉
綸建言下獄輅力求得無死寰宇通志成加系

卿景帝不豫廷臣請建東宮不許將繼奏輅播華而
陛下宣宗章皇帝之子當立章皇帝之孫聞者感勵
以日暮奏未及入而石亨輩已迎復上皇王文亦錄
等被收召輅與高穀入便殿溫旨諭之命革復位詔
石亨密與輅曰今歲赦文不須別具條款輅曰舊制
也不敢易亨輩不悅諷言官劾輅朋奸黨惡遂下獄
上書自怨言復儲疏在禮部可覆驗不省中官與安
稍解之帝愈怒安曰向者此輩創議南遷不審置陛
下何地帝意漸釋乃斥為民然帝每獨念輅朕所取
士嘗與姚萇効力東宮最多不忍棄之然以忌者竟

不復用成化三年驛召至京復以故官入閤前陳勅
舉納諫儲將防邊省冗官設社倉崇宣聖疏廣造土
法凡八事帝嘉納之其言納諫請召復元年以後連
言貶斥者於是羅倫孔公珣等悉復官明年華星見
給事中董昇御史胡深等劾不職大臣并及輅御史
林誠輅等與易儲不宜用輅力求罷帝曰昔唐太
宗用王珪魏徵朕今用輅何不可乃下言者獄欲加
重輅輅奏曰臣嘗請優容言官章蒙采納今因輅輅
而反責之如公論何帝悅昇等得不問尋進兵部尚
書時皇莊厲民甚仁壽太后莊戶與民爭田帝輅從

民置塞外輅曰豈有細民敢與朝廷抗者且元
天下爲家何以莊爲事遂寢八年四方多災傷山
尤甚輅等請勅廷臣廣求救荒之策寬田租緩力
發官廩貸富民粟召商中鹽納粟許授冠帶帝悉
報可明年進戶部尚書十一年宋元通鑑綱目成
改兼文淵閣大學士乾清宮門災工部請遣官採
木四川湖廣輅言上天示戒宜少緩之以存警
畏從之先是悼恭太子薨帝以儲位爲憂時紀
妃生皇子已六歲矣左右畏萬貴妃莫敢言
久之稍聞於帝帝喜立召見皇子遂留宮中而
紀妃仍居西宮輅恐有他患思

為保護計而難於顯言偕同官上疏曰皇子聰明岐
疑國本攸繫重以貴妃撫育保護恩踰已出但外議
者皆謂皇子之母因病別居久不得見揆之人情猶
為未順宜令移就近所俾母子朝夕接見而皇子仍
籍貴妃撫育宗社幸甚於是紀妃遷永壽宮輅又請
皇子出見羣臣勅禮部擬名以聞越數日帝御文華
門皇子侍羣臣進見輅趨御座前頓首曰陛下踐祚
十年儲位尚虛天下臣民引領望久矣當即立為皇
太子安中外心帝頷之曰朕知卿意逾月紀妃薨輅
請如宋李宸妃故事殯葬謚號悉如禮是冬皇太子

立加太子少保改吏部尚書帝將復御王位號下廷
議輅極言王有社稷功位號當復帝意遂決明年帝
建玉皇閣於宮北命內臣執事禮與郊祀等輅等言
玉皇之說本於道家不足信惟天至尊禮不可曠者
傳說告高宗曰漢於祭祀時謂弗飲願陛下毋惑異
教一循正禮帝即毀祠黑青見疏弭災八事曰荀僧
國師法王母濫賜印章曰四方常貢外勿受玩好曰
許諸人直言曰分遣部使慮囚省冤獄曰停不急營
造曰賈三邊軍儲曰守沿邊閑隘曰設雲南巡撫帝
優詔褒納十年進謀身殿大學士中官汪直督西

厥數與大獄格率同審條直十罪言近日詞察款煩
刑網太密人情洶洶疑畏由陛下委聽斷於直一人
直又寄耳目於羣小如韋瑱輩皆自言親承密旨得
類刑殺於是擅作威福賊虐善良陛下若謂植奸榮
寵法不得已則前此數年何以帖然無事且曹欽之
變皆由遠果刺事激成可為懲鑑自取用事士大夫
不安其職商賈不安於遠庶民不安於業若不亟去
天下安危未可知也帝愍曰用一內監何遽危天下
難實至此奏者命太監懷恩傳旨詰責甚厲終正色
曰朝臣無大小有罪皆請旨遠問直敢擅抄送臣等

以上京官大同宣府造城要害守備城項不可缺
平日擒械數入南京祖宗根本地留守大臣直敢擅
自收捕諸近侍在帝左右直輒易置直不去天下安
得不危時萬安劉珏劉吉亦俱直前對引義慷慨恩
等屈服輒顧同列謝曰諸公皆為國如此輒復何憂
曾九卿項忠等亦劾直是日遂罷兩廠然直雖不視
敬事而寵幸如故諸輅嘗納指揮楊舉賄欲脫其罪
輅不自安而御史戴緒復訟直功請復兩廠輅遂力
求去詔加少保賜勅馳傳歸輅既去士大夫益僥苟
事直無敢與抗者矣輅為人質直有容常以違官抑

錢溥溥為禿婦傳譏之高瑤請復景帝位號黎溥疏
駁極言諷輅皆不為較待之如平日至其臨大事
決大議毅然莫能奪初萬貴妃重輅名士父像屬為
贅遺金帛甚厚輅力辭使者告以妃意輅曰非上命
不敢承也貴妃不悅輅終不顧及謝政劉吉過之見
其子孫林立歎曰吉與公同事歷年未嘗見公筆下
妄殺一人宜天之報公厚也居十年卒年七十三贈
太傅謚文毅子良臣成化初進士翰林侍講
劉定之字主靜永新人幼有異稟父老舉於鄉不與
仕日授定之書數千言不令作文一日偶見所為祝

憲文大異之謂其婦曰此子才一第不足多也舉正
統元年會試第一殿試及第授編修四年京城大水
應詔陳十事言號令宜出大公裁以至正俾久而無
弊不可苟且數易公卿侍從當時召見賜清問察其
才能心術而進退之降人散處京畿者宜漸移之南
方郡縣之職以京朝官補之使迭相出入內外無畸
重薦舉之法不常拘五品以上可做唐制朝臣遷秩
舉一人自代吏部籍其名而簡用之武臣子孫教以
韜畧守令收養為先必詳考核毋徒取幹辦群臣遭
喪乞永罷起復之令僧尼蠲國害民當嚴為遏絕富

民輸粟援官者本非好義有犯宜追奪疏入留中第
寅之與鄉人相訐辭連定之下獄得白杖滿進侍講
景帝即位復上言十事曰臣惟自古中國喪氣若晉
懷愍宋徽欽之蒙塵其時皆因邊塞外破藩鎮內潰
救援不集馴致播遷未有若今日以天下之大數十
萬之師奏上皇於漠北委以與寇者也至於晉宋既
遭禍亂皆棄故土偏安一隅然尚能奮於既衰以禦
方張之敵今也先求勝長驅直抵都城舉數十萬之
衆宜可殲此朝食然既不能奮武以破賊又不能約
和以迎駕聽其自來而自去尚謂國有人哉蓋國勢

之弱雖非旦夕所能強豈可不思所以自強之術哉
愚故畧陳所見以俟採擇近日京軍之戰但知堅壁
持重而不能用奇制勝至前敗而後不救左出而右
不隨謂宜倣宋吳玠吳玠三疊陣法設為犄角之勢
使得互相應援出奇無窮至敵騎衝突必資刀斧以
制之昔郭子儀破安祿山八萬騎用千人執長刀如
牆而進韓世忠破兀朮拐子馬用五百人執長斧如
搗人胸子砍馬足此其明驗也臣觀紫荆居庸二關
名為閑塞實則坦途敵騎北來若風驅霧蓋兵士寡
弱牽掣無敢蹙蹙非朝廷今宜增兵士繕亭

障塞踞陸則掘地為塹陷地網水則濬泉合深
名曰水櫃或多植榆柳以制奔突或多招鄉勇以助
官軍此古人之已事尚可舉行者也若夫奉使之臣
往聘充以驛人驅夫招募啓戎職此之故今宜擇兩
蘊忠惻外工專對若陸賈富弼其人者使脩正介之
選庶不至失辭辱國臣於上皇之朝乞從漢北降人
知謀短淺未蒙採納比來國有羣奔歸故土寇掠畿
甸者屢見告矣宜乘大兵聚集之時遣之南方使與
中國兵民相錯雜以牽制而變化之不惟潛消大患
又省俸給減漕輓甚便天下農出粟女出布以養兵

也兵受粟於倉受布於庫以衛國也向者兵士受粟
布於公門納月錢於私室於是手不習擊刺之法足
不習進退之宜茅轉貨為商執技為工而以工商所
得補納月錢蓋民之膏血兵之氣力皆變為金銀以
惠奸宄矣一旦率以臨敵如驅羊拒狼幾何其不敗
也除疽痛革其弊一新操練之政將帥踵舊習者誅
之剋敵則兵威振矣至於守令之廢民猶將帥之剋
兵也宜嚴糾考慎黜陟有犯賊者舉主與其罰然後
貪墨者寡為舉者慎貪寡舉慎則民安而邦本以固
此二者販鬻屠狗之夫俱足馳威帝業苟非其人則

趙括以奢之子預首於白起然離以霸之孫繫頸於
項羽將軍必拘世類哉今于謙楊善亦非出自將門
宜令廷臣各舉所知不限門閥庶搜羅既廣樂侮有
人勦者漢周恢復所恃者諸葛亮南宋之樂全所恃
者張燧彼皆忠義夙著功業久立及街亭一敗亮辭
丞相符離未捷浚縣都督何則賞罰明則將士奮也
昨德勝門下之戰未聞摧陷強寇但迭為勝負互殺
傷而已雖不足罰亦不足賞也乃石亨則自伯進侯
于謙則自二品遷一品天下未聞其功但見其賞豈
不怠忠臣義士之心乎可令仍循舊秩勿躐新階他

日勛名著而爵賞加焉未為晚也夫既與而不思奪
者姑息之政也既進而不肯退者患失之心也止不
行姑息之政下不懷患失之心則治平可計日而望
也向者御史建白欲令大臣入內議政疏寢不行夫
人主常總攬威權親決機務凡政事早朝未決者日
御便殿使大臣敷奏言官察其邪正而糾劾之吏官
又書於簡以示懲勸此前代故事祖宗成法也願
陛下遵而行之若僅封章奏入中旨傳出恐偏聽獨
任致生奸亂欲治化之成難矣然行是數者又有其
要在陛下勤學而已人主之勤欲其明如日月以察

直枉仁如天地以覆群生雷震雷霆以收威柄故司
馬光之告君以仁明武為言即中庸所謂智仁勇也
智仁勇非學而能之哉夫經莫要於尚書春秋史莫
正於通鑑綱目陛下留心垂覽其於君也既知為湯
文武趙所以興又知桀紂幽厲之所以替而趨避審
矣於馭內臣也既知有呂強張承業之忠又知有仇
士良陳弘志之惡於馭外臣也既知有蕭曹房杜之
良又知有李林甫楊國忠之奸而用舍當矣如是則
於知仁勇之德豈不大有助哉苟徒如鴛者儒臣進
講誦述其善諱避其惡是猶恐道路之有指穿則有

而過之其不至於冥行顛仆者幾何今天下雖遭太
創尚如金甌之未缺陛下誠能本之聖學以見之政
治臣見國勢可強讐恥可雪兄弟之恩可全祖宗之
治可優亦何憚而不為此書奏帝優詔褒答三年遷
洗馬也先使者之乞遣報使也帝堅不許定之疏引
故事請帝下之廷議竟不果遣久之遷右庶子天
順元年調通政司左叅議仍兼侍講尋進翰林學士
憲宗立進太常少卿兼侍讀學士直經筵成化二年
以本官入直文淵閣明年進工部右侍郎兼翰林學
士歷高潮廣災有司方徵民賦定之書今國儲克積

金庚至不能容而此張口付遺之議乃責其祖課恐
非聖主恤下之意帝感其言即命停徵四年進吏部
左侍郎時萬賁妃專寵皇后希得見儲嗣未兆邸王
女薨已及笄猶未下嫁其年五月定之因久旱並禱
及郊詣經筵兼講太祖御製諸書駢斥異端邪說
勿令害政耗財帝留其疏不下五年卒官贈禮部尚
書謚文安定之諫恭質直以文學名一時嘗有中旨
命製元宵詩內使部立以候定之據案伸紙立成七
言絕句百首又嘗一日草九制筆不停書有賀宋成
名字者定之就列其世次若譜系然人服其敏博故

事經筵講畢辭退帝曰宣曰先生革吃酒飯去問臣
講官並承旨叩頭出定之請以例賜毋煩玉音自是
君臣之間無一辭相接翰林相傳以定之巽順為過
云寅之湖廣叅議

論曰自三楊淪謝閣振用事朝常濁亂已極天順改
元以後李賢得政紀綱粗立有舊威烈可謂救時良
相哉賢當羣小交訐能委蛇以濟大事而岳正果於
用壯遂至顛隕豈非識有疎密因之成敗亦殊與薛
瑾立朝未久見幾早去真修實政誠一代醇儒也呂
原莊應勸茶毗賢殊有足憂者時藏藏商賈蹇蹇劉

定起風樂見於章疏三臣柄重皆在咸化間而憲宗
玩愒宮中狎昵嬖倖大臣經年罕得進見嗣是相沿
堂簾之勢寢隔矣諸臣雖欲協心輔政如仁宣之朝
又誰可得哉